

Zbirka medijskih objava
Grad_Prijedor_kliping_dnevno,
za razdoblje 19. 2. 2017

Broj objava: 4

Štampa: 4

Teme praćenja:

Grad Prijedor: 4

Gradonačelnik Prijedora: 1

Štampa	Naslov	Pucao u komšiluku iz plinskog pištolja		
Serijski br. 1	Medij; Doseg	Dnevni avaz; 50,000, Bosna i Hercegovina	Stranica: 15	Površina: 215 cm ²
	Rubrika, Datum	Crna hronika; 19. 2. 2017		
Stranica u zbirci: 3	Autor	M.Zg.		
	Teme	Grad Prijedor		

Štampa	Naslov	Na pomolu rješenje problema zemljišta		
Serijski br. 2	Medij; Doseg	Dnevni avaz; 50,000, Bosna i Hercegovina	Stranica: 18	Površina: 109 cm ²
	Rubrika, Datum	Biznis; 19. 2. 2017		
Stranica u zbirci: 4	Autor	M.Zg.		
	Teme	Grad Prijedor , Gradonačelnik Prijedora		

Štampa	Naslov	Komšiju optužio za krađu i upucao		
Serijski br. 3	Medij; Doseg	Oslobodjenje; , Bosna i Hercegovina	Stranica: 17	Površina: 160 cm ²
	Rubrika, Datum	Crna hronika; 19. 2. 2017		
Stranica u zbirci: 5	Autor	D.P.		
	Teme	Grad Prijedor		

Štampa	Naslov	Borcu pripao derbi, vrijedna pobjeda Sloge		
Serijski br. 4	Medij; Doseg	Oslobodjenje; , Bosna i Hercegovina	Stranica: 46	Površina: 186 cm ²
	Rubrika, Datum	Sport; 19. 2. 2017		
Stranica u zbirci: 6	Autor	Tajić Jasmin		
	Teme	Grad Prijedor		



Policija istražuje oružani incident u Prijedoru

Pucao u komšiju iz plinskog pištolja

Pijani Boro Kečan ranio komšiju Miroslava Slijepca u njegovoj kući

U Prijedoru je B. K. (59) iz Velikog Palančišta ispalio tri hica iz plinskog pištolja u pravcu svog komšije M. S. (54). Nezvanično, riječ je o Bori Kečanu, koji je ranio Miroslava Slijepca (54) u njegovoj kući.

Kečan je, navodno, posumnjao da mu je komšija, koji je kod njega ranije radio za dnevnicu, ukrao neke stvari pa je pijan otišao u njegovu kuću da to raščisti.

Ranjeni je zatražio pomoć u Službi hitne medicinske pomoći u Prijedoru, gdje je konstatirano da je zadobio lake tjelesne povrede, i to opekotine u predjelulica.

- Od B. K. je policija oduzela plinski pištolj, a alkohotestiranjem mu je potvrđeno i prisustvo alkohola u krvi. U njegovoj kući prilikom pretresa pronađena je i oduzeta puška

M-48 kalibra od 7,9 milimetara i 66 komada municije različitog kalibra - saopćeno je iz Centra javne bezbjednosti Prijedor.

Nezvanično, kod Ke-

čana je izmjereno 2,25 promila alkohola u krvi. Protiv njega Okružnom tužilaštvu u Banjoj Luci slijedi izvještaj za izazivanje opće opasnosti i nedozvo-

ljenu proizvodnju i promet oružja ili eksplozivnih materija.

M. Zg.



CJB Prijedor: Kečan osumnjičen za dva djela



Kompanija "Arifagić Investment"

Na pomolu rješenje problema zemljišta

Milenko Đaković, gradonačelnik Prijedora, u Trnopolju je tokom posjete farmi za uzgoj norveškog crvenog govečata, u vlasništvu Jusufa Arifagića, najavio mogućnost rješavanja problema nedostatka zemljišta za proizvodnju stočne hrane. Na farmi je

trenutno 780 grla. Bilo ih je i više, ali nije bilo dovoljno hrane pa je dio kapaciteta sa 150 grla već prebačen u Bosanski Petrovac.

- Na tragu smo još jednom rješenju. Ali, i o njemu ćemo govoriti ako to uspješno završimo zajedno s

resornim ministarstvom Republike Srpske i ako nađemo prostor ovdje, na području Prijedora - kazao je Đaković te je dodao da će sve učiniti da pomogne.

Almir Hodžić, predstavnik kompanije "Arifagić Investment", rekao je da farma raspolaže sa 150 hektara zemlje. Za razvojne planove treba im još stotinu.

- Nadamo se da će se rješenje naći u ovoj godini, odnosno do jesenje sjetve - kazao je Hodžić.

Na farmi je 30 radnika, a u planu je i povećavanje proizvodnje mlijeka, koja bi trebala iznositi skoro 3,5 miliona litara godišnje. **M. Zg.**





Miroslav Slijepčević je zadobio lakše povrede

Komšiju optužio za krađu i upucao

Boro Kečan je došao do kuće Miroslava Slijepčevića u **Prijedoru** i iz gasnog pištolja pucao mu u lice

Pripadnici Policijske stanice **Prijedor** 2 su 15. februara uhapsili i ispitali Boru Kečana iz **Prijedora** zbog izazivanje opšte opasnosti, odnosno što je iz gasnog pištolja povrijedio komšiju Miroslava Slijepčevića.

Tokom kriminalističke obrade utvrđeno je da je osumnjičeni tog dana u večernjim satima otišao u porodičnu kuću komšije Slijepčevića, u kojeg je ispalio tri hica iz gasnog pištolja, nanijevši mu pritom povredu u vidu opekotine na licu. Zbog zadobijenih povreda oštećeni se obratio ljekarima Hitne pomoći Doma zdravlja **Prijedor**, gdje je konstatovano da je zadobio lakše povrede. Od Kečana je oduzet gasni pištolj, a alkotestiranjem

je utvrđeno prisustvo alkohola u organizmu.

Kečan je ispričao da Slijepčević kod njega radi ponekad za nadnicu. Kečan smatra da mu je Slijepčević nešto ukrao, te je došao do njegove kuće da mu to Miroslav vrati.

Potom je 16. februara pretresen stan koji koristi osumnjičeni Kečani tom prilikom je oduzeta puška M-48 kalibra 7,9 mm i 66 metaka.

Protiv Bore Kečana Okružnom javnom tužilaštvu Banja Luka, Područna kancelarija **Prijedor**, slijedi podnošenje izvještaja za počinjena krivična djela izazivanje opšte opasnosti i nedozvoljena proizvodnja i promet oružja ili eksplozivnih materija. **D. P.**



Borcu pripao derbi, vrijedna pobjeda Sloge

U akciji za Nedima Smječanina na meču Vogošća PH - Čelik prikupljeno 3.435 KM

• Panić: Zadovoljni smo

RK Vogošća Poljine Hills savladao je RK Čelik iz Zenice rezultatom 42:30 u okviru 15. kola rukometne Premijer lige BiH. I prije same utakmice bilo je potpuno jasno da su Vogošćani apsolutni favoriti, no ono što je bilo bitnije od same igre jeste humanitarna akcija u kojoj je RK Vogošća PH od prodatih ulaznica prikupila 3.435 KM za liječenje Nedima Smječanina, kojem je hitno potrebna transplantacija bubrega.

Što se tiče utakmice, Vogošćani su na poluvremenu vodili s 18:10, a do pobjede ih je vodio Anes Bečić s devet golova, dok je Ivan Divković dodao pet. Kod Čelika Marko Pandžić postigao je 10 golova.

Sloga je ostvarila vrijednu pobjedu na gostovanju kod Prijedora rezultatom 26:27. Trijumf je još vredniji, jer je Prijedor Doboiliama direktan konkurent za opstanak. Vodio je

Prijedor s 15:12 na poluvremenu, ali nije uspio sačuvati prednost, da bi Sloga golom Stefana Oljače sekundu prije kraja došla do pobjede. Antonović je postigao 11 golova za Slogu, dok je kod Prijedora najefikasniji bio Kaurin s sedam golova.

- Naravno da smo zadovoljni. Ovo su zlata vrijedna tri boda za naš tim. Opstanak se čini dosta realan, jer imamo dobar raspored kući i ako još ostvarimo bar jednu pobjedu na strani, možemo ostvariti cilj, kazao nam je trener u stručnom štabu Sloge Danko Panić.

Na krilima velike podrške navijača u dvorani Borik Borac je u derbiju kola lakše od očekivanog savladao Zrinjski s 27:23. Mostarci su u drugom dijelu uspjeli da smanje prednost, koja je u pojedinim momentima prvog poluvremena iznosila i po osam razlike.

Miloš Nježić postigao je sedam golova za Borac, dok je Mirko Majić dodao pet. Golman Milan Kosanović sakupio je 14 odbrana.

Kod Zrinjskog se istakao Filip Vistorop sa pet golova, dok je Marino Paradžik sakupio 15 odbrana.

JASMIN TAJIĆ



Banjalučani nisu dozvolili da ih Zrinjski iznenadi